



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 04-27-5-773-2/14

Datum: 07.04.2015. godine

**OPĆINSKO VIJEĆE TEŠANJ**

**PREDMET:** Informacija o zimskom održavanju cesta na području općine Tešanj u periodu od 15.11.2014.godine do 15.03.2015.godine. -

Aktivnosti na pripremama za zimsko održavanje cesta na području općine Tešanj, u sezoni 2014/2015.godina započele su snimanjem stanja na terenu i utvrđivanjem dužina pojedinih dionica za zimsko održavanje.

Općina Tešanj je na osnovu snimljenog stanja sačinila Plan zimskog održavanja za sezonu 2014/2015.godina i započela aktivnost na odabiru izvođača za poslove zimskog održavanja cesta na području općine Tešanj.

Ranije usvojen koncept zimskog održavanja po osnovu kojeg se dio putnih pravaca povjerava mjesnim zajednicama na održavanje, pokazao se dobrim pristupom u kvalitetnijem i ekonomičnijem održavanju dijela putnih pravaca na području Općine. Stoga se sa tim pristupom nastavilo i u sezoni 2014/2015.godine.

Planom zimskog održavanja za proteklu sezonu obuhvat cesta koje su održavane povećan je u odnosu na sezonu 2013/14 i iznosio je **274,40 km** cesta.

Plan zimskog održavanja činile su:

1. Dionice putnih pravaca koje su putem javne nabavke oglašene za javno nadmetanje u dužini od **73,15 km**.
2. Dionice putnih pravaca koje su ponuđene mjesnim zajednicama na održavanje u dužini od **175,60 km**.
3. Dionice gradskih i prigradskih ulica ugovorene sa JP „RAD“ doo Tešanj u dužini od **25,46 km**.
4. Trotoari na području općine Tešanj u dužini od 24,28 km.

Nakon okončane tenderske procedure i potpisivanja ugovora sa odabranim ponuđačima, te potpisanih sporazuma sa mjesnim zajednicama ugovoreni su radovi i to:

1. „AB –TRANS“ doo Tešanj i "KM Gradnja" doo, u dužini od 53,65 Km,
2. „AB TRANS“ doo Tešanj, u dužini od 9,3 Km,
3. „TRANS-KOP“ doo Tešanj, u dužini od 10,20 Km ,
4. JP „RAD“ doo Tešanj, u dužini od 25,64 Km i
5. Mjesne zajednice: u dužini od 175,60 Km.

Prema tome zimsko održavanje cesta na području Općine Tešanj ugovoreno je u ukupnom iznosu od 297.116,35 KM.

Za sezonu zimskog održavanja 2014/2015. godina u skladu sa odredbama ugovora kojima je regulisan način plaćanja ovisno o broju snježnih dana i kvalitetu održavanja evidentirane su obustave ugovorenih sredstava od izvođača sa kojima je Općina potpisala ugovore u vrijednosti od oko 13,78% pa je stvorena obaveza prema izvođačima u iznosu od 134.851,38 KM i mjesnim zajednicama 140.710,00 KM što iznosi ukupno 275.561,38 KM za 274,40 km cesta. Time je uvažavanjem vremenskih prilika ostvarena ušteta u iznosu od 21.555 KM.

Na poslovima nadzora održavanja lokalnih cesta i gradskih ulica u zimskim uslovima angažovana su tri uposlenika Općine Tešanj.

Budžetom za 2015. godinu planirana su sredstva za zimsko održavanje u iznosu od 295.000,00 KM.

Obzirom da zimsko održavanje obuhvata dvije budžetske godine, te se troškovi zimskog održavanja i raspoređuju na taj način. Od ukupno planiranih sredstava za ovu godinu nakon raspodjele troškova, za narednu sezonu zimskog održavanja 2015/16 godinu a koja će biti finansirana iz budžeta za ovu godinu, ostaje na raspolaganju 130.550,80 KM.

Na osnovu dostavljenih izvještaja mjesnih zajednica o aktivnostima na zimskom održavanju cesta, može se konstatovati da su mjesne zajednice angažujući uglavnom lokalne izvođače iz svojih sredina, odobrena sredstva namjenski utrošile, te da su pojedine mjesne zajednice pored sredstava odobrenih za zimsko održavanje na osnovu sporazuma, utrošile i dodatna sredstva za proširenje obuhvata na zimskom održavanju onih putnih pravaca za koje sredstva nisu dodjeljena putem sporazuma. Većina mjesnih zajednica iznijela je zahtjeve o potrebi proširenja obuhvata održavanja cesta u zimskim uslovima.

Magistralne i regionalne ceste su ugovorene od strane nadležnih institucija.

Služba za finansije, privredu, komunalne i inspeksijske poslove redovno je pratila aktivnosti na zimskom održavanju, te je u skladu sa stanjem na terenu, samostalno i preko lica angažovanih na nadzoru, puzimala potrebne mjere u cilju obezbjeđenja prohodnosti putnih pravaca.

Dostavljeno:

1. Općinsko vijeće,
2. Arhiva.

**OBRADIVAČ:**

Služba za finansije, privredu, komunalne i  
inspeksijske poslove

Hamzalija Hojkurić dipl.ecc.

**PREDLAGAČ:  
OPĆINSKI NAČELNIK**

Mr. Sc. Suad Huskić, profesor